

Allannguutissatut siunnersuut

uunga

Siunnersuut uunga: Inatsisartut inatsisaat nr. xx ulloq xx xxxx Aatsitassat pillugit ingerlatallu tamatumunnga pingaarutillit pillugit inatsisartut inatsisaannut nr. 7 7 december 2009-immersoq allannguutissamut tunngasoq (Innuttaasut piaartumik akuutilernissaat kiisalu tamanut ammasumik tusarniaaneq)

Naalakkersuisunit aappasaanneerinninnissamut saqqummiunneqartoq

Taaguutaanut

1. Taaguutaa imatut oqaasertalerneqassaaq:

”Uunga siunnersuut: Aatsitassat pillugit ingerlatallu tamatumunnga pingaarutillit pillugit inatsisartut inatsisaat nr. 7, 7 december 2009-imeersup allannguuteqartinneqarnissaa pillugu Inatsisartut inatsisaat nr. xx ulloq xx xxxx-imeersoq (aatsitassanut ikummatissanullu inatsit)
(Innuttaasunik siusissukkut peqataatitsisarneq aamma tamanut ammasumik tusarniaaneq)”

§ 1-imut

2. Nr. 2-ip ataani § 87 b, imm. 2-ip oqaasertaanut siunnersuutigineqartoq, imatut oqaasertalerneqassaaq:

” Imm. 2. Tusarniaanermut piffissaliussaq sapaatit akunnerinik 8-inik sivisussuseqarpoq. Tusarniaanermut piffissaq ulloq Naalakkersuisut tusarniaanermut najoqqutassanik tamanut ammasumik pissarsiarineqarsinnaalersitsiviannit aallartissaaq. Tusarniaanermut piffissaq arfininngornermi, sapaammi imaluunniit nalliuttumi naappat, tusarniaanermut piffissaq ulluinnarmut tulliuttumut sivitsorneqassaaq.”

3. Nr. 2-ip ataani § 87 b, imm. 3-ip oqaasertaanut siunnersuutigineqartoq, imatut oqaasertalerneqassaaq:

” *Imm. 3.* Tusarniaanermut piffissarititaasoq sivitsorneqassaaq, tassa tamanut ammasumik tusarniaanermi piffissarititaasup iluani tusarniaanermut atatillugu tamanut ammasumik naammaginartumik ataatsimiisitsinissamut periarfissaqarsimanngippat, imaluunniit Naalakkersuisut ataatsimiinnernut pineqartunut peqataasinnaasimanngippata.”

4. *Nr. 3*-ip ataani § 95 a, *imm. 1*-ip oqaasertaanut siunnersuutigineqartoq, imatut oqaasertalerneqassaaq:

” **§ 95 a.** Naalakkersuisut aningaasaateqarfimmik pilersitsissapput, tassani innuttaasut, najukkani innuttaasut aamma Kalaallit Nunaanni kattuffiit attuumassuteqartut kalluarneqartut, Kalaallit Nunaanni aatsitassarsiornermik suliassanut aalajangersimasunut atatillugu apeqqutinik immikkut ittunik paasiniaanissamut misissuinernik aallartitsinissamut siunnersorneqarnissamullu kiisalu suliassap inuiaqatigiinnut avatangiisinullu sunniinissaa pillugu ataatsimiititsinissanut aningaasassanik qinnuteqarsinnaassallutik.”

Allannguutissatut siunnersuummut nassuiaatit

Nassuiaatit nalinginnaasut

Allannguutissatut siunnersuummut Aatsitassanut Ataatsimiititaliap aappassaanneerinninnissamut isumaliutissiissutaa aammalu siunnersuutip taaguutaata kalaallisoortaata aamma 2009-imi akuerineqartup oqaasertaata imminnut naapertuutinnginnerat aallaavigineqarput.

Aalajangersakkanut ataasiakkaanut nassuiaatit

Nr. 1-imut

Allannguut taaguutaanik teknikkikkut naqqiissutaavoq.

Nr. 2 – 4-imut

Allannguutit Aatsitassanut Ataatsimiititaliap isumaliutissiissutaanik aallaaveqarput.